



Nuuk, 13. januar 2010

Inatsisartut suleriaasianni § 36 immikkoortoq 1 naapertorlugu matumuuna Naalakkersuisunut apeqquteqarpunga, ima ittumik:

**Illoqarfinni arlaqartuni maanna INI A/S-mit errorsisarfiit pigineqartut matoorarneqalerput tassunalu taarsiullugu inuit angerlarsimaffimmini kuinnartumik imeqanngisut errorsiveqanngitsullu errorsisarsinnaanissaannut periarfissamik allamik Naalakkersuisunit isumaliutersuuteqarpisi taamaassimassappallu suut pilersaarutaappat?**

(Inatsisartuni ilaasortaqaq Aleqa Hammond, Siumut)

**Tunngavilersuut:**

Sineriammi illoqarfinni arlaqartuni INI A/S-ip ingertarisaannik errorsisarfiit matoorarneqarput. Ilaqutariippassuaqarmat errorsiveqanngitsunik aammalu illorpassuaqarmat imermik kuinnartumik imeqanngitsunik taamaammallu errorsisarfinnik pinngitsuuisinnaanngitsunik.

Naalakkersuisunut apeqqutigiumavara ilaqutariit errorsisarnissaannik periarfissaaruttussat qanoq allatigut ajornerusumik atugaqannginnissaannik taarsiullugu iliuuseqalersaarnersut?

Eqqaasitsissutigissangakku ullut qulit suliffiusut qaangiutsinnagit apeqqutiga akineqarsimassasoq.

Ikinngutinnersumik inuulluaqqusillunga

Aleqa Hammond, Siumut